

1939/2

ՀԱՅԿԱՍՏԱՆԻ  
ՅՈՒՆԵՍԿՈՒՆԵՍԻ  
ԳՐԱԴԱՐԱՆ

# ՅՈՒՆԻՅԱՆ



*A. Chaturian*

1939





# პიონერი

საბ. აღკვ ცენტრალური კომიტეტისა და  
საბ. განსახორციელების მეთოთხმეტი შუროლის

იანვარი 1939 წ.

№ 1

გამომცემლობა „კომუნისტი“. რედაქცია მისამართი: თბილისი, გრიბოედოვის ქ. № 34, ტელ. 3-02-61.

## შინაარსი

88


1. სანდრო ჟღონტი,—ახალი წლის შეხვედრა (ლექსი) . . . . .	1
2. პურის სამელნეები,—(წერილი) . . . . .	2
3. როსტო მონაწილე ლი,—ვალერი ჩკალოვი (ლექსი) . . . . .	4
4. ნიქო ნაბაშიძე,—ულუ და თეთ (მოთხრობა) . . . . .	5
5. მამუკალი მამულიშვილი ლი,—თხილამურებით (ლექსი) . . . . .	11
6. მეთო მღვიმელი,—ზამთარი (ლექსი) . . . . .	11
7. დიმიტრი ტატიშვილი,—პატარა რიგო (მოთხრობა) . . . . .	12
8. ლავრონი ზინაიძე,—შო მღვიმელი (მოგონება) . . . . .	14
9. მოსწავლეთა შემოქმედება,—ორი ლექსი . . . . .	15
10. ა. ებრაელიძე,—ჭადრაკის ეტიუდის შესახებ . . . . .	16
11. ლ. კახიანი,—თევზეკალა (ნარკვევი) . . . . .	გარეკანის მე-3 გვ.
12. ვასარტობი . . . . .	გარეკანის მე-4 გვ.

ჟურნალი გაფორმებულია მხატვ.—ი. ქოქიაშვილისა, დონისა და ა. სავინის მიერ

ფდის მხატვრობა—ა. სავინისა

140  
1239 | 9

საბრძოლო ქაღაჩი



# ახალი ხრის მუხვედა

ტყეში ვიყავ, მახარებდა  
ჩიტუნების ჟრამელი,  
მახარებდა ყვავილები  
დილის ცვარით დანამული.

დილის ცვარით დანამული  
ბრწყვილებდა მწვანე კალთა,  
ვშრიალებდი, ვშრიალებდი  
და ტოტებიც გამეზარდა.

თან მესმოდა ნაკალღის  
ლიკლიკი და თითქოს ნანა,  
იმ ნაძვებში ცოტა იყო  
სილამაზით ჩემისთანა.

მიმშვენებდა თოვლი-ტოტებს,  
შეფიფქული—გელის ფრთები...  
ჩემთან ერთად კეკლუცობდა  
დათოვლილი ტყე და მთები.

მაგონდება თოვლიანი  
ნაძვნარები ვიწრო ხევში...  
იცით, როგორ დამენანა,  
ბარში კაცს რომ წამოყვები!

წამოვედი მთიდან ბარში  
ახალი წლის შესახვედრად;  
ვმორცხვობდი და თქვენთან მოსვლა,  
თითქმის ველარ გამებედა.

ისიც გზაში მითხრეს კიდეც,  
რომ ბავშვებიც ხარობთ გულით...  
მოვდიოდი და ფიქრებით  
მეშლებოდა სიყვარული.

მომიყვანეს, რარიც მომრთეს,  
კვლავ მოვხიბლავთ ჩემი ნახვა,  
საახალწლო სიხარული  
მე ვიგრძენი სწორედ ახლა:

დიდ დარბაზში გამაბრწყინეს,  
ჩემი თავი ველარ ვიცან,  
თან ამავეს საჭურჭრებით,  
გეფიცებით მშობელ მიწას.

შემომხედეთ, რა კობტა ვარ,  
რა ყოფილა კაცის ხელი...  
თქვენც იხარეთ, მეც მახარეთ,  
დამავიწყეთ ტყე და ველი.

იცქრიალეთ, მალხაზებო,  
აისრულეთ თქვენი ნატვრა,  
იმღერეთ და აშრიალეთ  
მოლაქლახე ჩემი კალთა.

იცქრიალეთ, მალხაზებო,  
გულსაც ღებენა დაებედა;  
თქვენც იხარეთ, მეც მახარეთ,  
და ვიხაროთ ყველამ ერთად.

3528



# პურის სამეცნიერები



ვლადიმერ ილიას-ძე ლენინი ჯერ კიდევ ახალგაზრდობაშივე აოცებდა ყველას არა მარტო თავისი ღრმა ცოდნით, ნათელი გონებით, პირდაპირობით, მიზნის სიხადით, დიდი შორსმჭვრეტელობით, არამედ იმითაც, რომ მას ჰქონდა იშვიათი უნარი ხელიდან გასლტომოდა მხვერავებს.

ყოველთვის, რევოლუციური მოღვაწეობის პირველი დღეებიდანვე, უთვალთვალეობდნენ ლენინს ჯაშუშები, დასდევდნენ უკან, ზომავდნენ მის ნაბიჯებს, მის მოქმედებას. ვლადიმერ ილიას-ძემ კარგად იცოდა ეს და მოხერხებულად უბნევდა გზა-კვალს ჯაშუშებს. ხშირად ისე მიეფარებოდა თვალს, რომ მხვერავი მოულოდნელობისაგან სახტად დარჩებოდა და იმედგაცრუებული გაბრუნდებოდა უკან.

ბევრჯერ მომხდარა ასეთი ამბავიც:

აი, დაგეშილმა ჯაშუშმა საღაც ხალხში დაინახა ლენინი. ჯაშუში აღტაცებულია, უზომოდ გახარებული: მორჩა, იგი დააპატიმრებს მეფის წინააღმდეგ მებრძოლს და დიდ ჩინსაც მიიღებს! აღელვებული მისდევს ვლადიმერ ილიასძეს, მიჰყვება ფეხდაფეხ, ეძებს შესაფერის მომენტს თავდასასხმელად...

აი, ლენინმა ქუჩაში შეუხვია. მალე სახლის კარებიც გააღო და დერეფანში შევიდა. ჯაშუში ეხლა უფრო აღტაცებულია. იგი ფიქრობს, რომ მსხვერპლი ველარსად გაექცევა, და დაშვებულბით იცდის ქუჩაში. ცოტა ხნის შემდეგ კარების ჭრიალიც მოისმის. თითქოს სანატრელი წუთია! ჯაშუში თავლებს აჭყეტს, მის გულს ბაგაბუფი გააქვს. მაგრამ... გამოდის კაცი, რომელიც გარეგნულად ლენინს არა ჰგავს. სხვა ტანისამოსი აცვია, სხვაგვარად იყურება, სხვაგვარად დადის.

— ჯანდაბას შენი თავი, — ჩაილაპარაკებს გულმოსული ჯაშუში, — მე ულიანავს ვუღარაჯებ, შენ კი...

დაგეშილმა მხვერავმა არ იცის, თუ იგი ლენინი იყო. ამიტომ კვლავ იცდის ქუჩაში.

გადის დრო. ლენინი მაინც არ ჩანს...

ღამდება. ლენინი მაინც არ ჩანს...

გარეთ სიცივეა. ყინავს, ცივი ქარი წივის ყურებთან. ლამის გული გაუსკდეს ჯაშუშს ამდენი ლოდინისაგან, ლამის სისხლიც გაეყინოს ძარღვებში.

— ეჰ, გამეჭკა წყეული! — ბრაზიანად ჩაილაპარაკებს იგი და იმედდაწურული ტოვებს ქუჩას.


ვლადიმერ ილიას-ძე ლენინი კი ამხანაგებთან არის, მუშების წრეში, მუშაობს გატაცებით...

ახალგაზრდა ლენინს პიტერში ყოველ ფეხის ნაბიჯზე დასდევდნენ ჯაშუშები. მაგრამ, მიუხედავად ასეთი გაშმაგებული ზეურვისა, მან მაინც შესძლო იქ უდიდესი მუშაობის გაშლა. 1895 წლის გაზაფხულზე ლენინი ისე გაემგზავრა საზღვარგარეთ, რომ მეფის ძალებმა ვერაფერი გაიგეს. მხოლოდ გვიან შენიშნეს „დიდი სახელმწიფო დამნაშავის“ გაპარვა.

კვლავ დაიწყეს ლოდინი და ფიქრი იმაზე, თუ როდის ჩაიგდებდნენ ხელში „საშიშ ადამიანს“...

ლენინმა კი შემოიარა ბერლინი, შვეიცარია, მოაწესრიგა სხვადასხვა საქმე და გადაწყვიტა იმავე წელს დაბრუნება რუსეთში. იქიდან თან უნდა წამოეღო არალეგალური ლიტერატურა. როგორ მოქცეულიყო?

ფიქრობდა ლენინი ამის შესახებ და მალე გამოჩახა საშუალება. ჩემოდანს ორი ძრო გაუტყეთა, მის კედლებს შორის კი ჩააწყო წიგნები და მასალები.



ლენინი გორკაში 1922 წ.

ორი ამგვარი ჩემოდნით დატვირთული გამოემგზავრა იგი რუსეთისაკენ. გზაში ბევრი საფრთხე შეხვდა, ყოველ წამს შეიძლებოდა ჩაეარდნა, მაგრამ შორსმჭვრეტელი ლენინი ადვილად აღწევდა თავს დაბრკოლებებს. ის სრულიად უვნებლად ჩამოვიდა უცხოეთიდან.

მოდარაჯე ძალებმა, ჯაშუშებმა მალე გაიგეს ვლადიმერ ილიას-მის დაბრუნება. მეორე დღეს ერთ-ერთი მათგანი მივიდა სამისამართო მაგიდაში და გაცხარებით დაუწყო სინჯვა მისამართებს. გადაშალა დაეთარი „უ“-ზე, ჩააყოლა თითო გვარებს და... თავშეუქავებელი ტრაბახობით წამოიძახა: „აი, აი, დიდი სახელმწიფო დამნაშავე ულიანოვი, რომლის ძმა წინათ ჩამოახრჩვეს, ჩამოვიდა საზღვარგარეთიდან, ჩამოვიდა და ახლა ჩვენი ხელიდან ვეღარ წავა“.

მართლაც, არ გასულა დიდი ხანი, და ვლადიმერ ილიას-ძეც დააპატიმრეს. ეს იყო 1895 წლის დეკემბერში.

ლენინის მისვლამ მთელი საპატარო გამოაფ-  
ხიზლა. თითქმის ყოველ საკანში ღებულობდნენ  
ლენინის წერილებს, რომლებიც სავსე იყო გამა-  
მხნეებელი სიტყვებით, კითხულობდნენ მათ და იმ-  
სჭვალეობდნენ რევოლუციური ბრძოლის ჩაუქრობე-  
ლი სურვილით. ციხის მოხელეები გაკვირვებულნი  
იყვნენ იმით, თუ რატომ შეიცვალა ასე ერთბაშად  
პატიმართა სულიერი მდგომარეობა.

რას წარმოიდგენდნენ ისინი, თუ ლენინის წე-  
რილებს ასეთი გავლენა ექნებოდა, ან რას წარმოი-  
დგენდნენ ისინი, თუ ლენინი რაიმეს წერდა საკანში.  
ვლადიმერ ილიას-ძე კი შეუსვენებლივ წერდა და  
წერდა, კითხულობდა და წერდა. საპატაროში და-  
წერა ლენინმა წიგნები, პროკლამაციები და აგრეთ-  
ვე პროგრამის პროექტი პარტიის პირველი ყრილო-  
ბისათვის.

ლენინის ეს მუშაობა ვერ შეამჩნიეს ციხის მო-  
ხელეებმა. რატომ? ვლადიმერ ილიას-ძე მეტად  
ფრთხილად და მოხერხებულად მოქმედებდა. საპა-  
ტიმროში პირველი დღეებიდანვე შემოიღო რძით  
წერა. ეს ასე ხდებოდა:

გარედან ლენინი ბევრ წიგნს ღებულობდა. მა-  
შინვე ჩაუჯდებოდა წიგნებს და კითხულობდა გა-  
ტაცებით და სწრაფად, როგორც მას სჩვეოდა.  
მაგრამ ზოგიერთს სულაც არ კითხულობდა, იგი  
სხვა საქმისათვის სჭირდებოდა, სჭირდებოდა წერი-  
ლების დასაწერად. დიახ, ლენინი დაბეჭდილი წიგ-  
ნის ფურცლებზე წერდა, წერდა სტრიქონებს შო-  
რის, წერდა ისე, რომ მას ჯაშუშები ვერ შეამჩნიე-  
დნენ, — წერდა რძით.

ძალიან ბევრჯერ ყოფილა შემთხვევა, რომ  
ლენინს გადაუცია წიგნები სხვადასხვა მისამართით.  
ციხის მოხელეები გადაშლიდნენ წიგნებს, ქექავდნენ  
ყოველ ფურცელს, მაგრამ ვერაფერს პოულობდნენ. —  
რა პატიოსანი პატიმარი ყოფილა, — ფიქრობდნენ ისი-  
ნი, — მხოლოდ უწყინარ ტექნიკურ და წმინდა მეც-  
ნიერულ წიგნებს კითხულობს, არაფერს საწინააღ-  
მდეგოს არა წერსო.

პატიმრები კი კარგად არჩევდნენ რძის სტრი-  
ქონებს სტამბის სტრიქონებს შორის და სინათლეს.

თან გატაცებით კითხულობდნენ გამამხნეებელ სიტ-  
ყვებს.

მაგრამ მალე მათ ზევრვა დაუწყეს. მდგომარეო-  
ბა რთულდებოდა, შოსალოდნელი იყო ჩავარდნა.  
ეს აცნობეს ვლადიმერ ილიას-ძეს. ლენინმა მათ  
მიუთითა, რომ დაეჭრათ ქალაქები ზოლებად, სა-  
ლამოს ვახშობის დროს ცხელ ჩაიში ჩაეშვათ ნაჭ-  
რები, და რძის ნაწერიც სულ ადვილად გასარჩევი  
გახდებოდა.

ასეთი წესი მთელ საპატაროში გავრცელდა.  
სალამოს პატიმრები ადუღებდნენ ჩაის, შიგ ჩაპ-  
ყრიდნენ ქალაქის ზოლებს, და წერილიც გამოჩ-  
ნდებოდა.

მაგრამ საფრთხე მაინც ახლოვდებოდა. ვლადი-  
მერ ილიას-ძე ბევრჯერ კინალამ წაისწრეს წერის  
დროს.

ჩაფიქრდა ლენინი და აი რა მოიგონა: პურიდან  
გააკეთა რძის პატარა სამეღნეები, სამეღნეში რძე  
ჩაასხა და კვლავ განაგრძო მუშაობა.

საერთო სიჩუმეში თანჯარამ გაიჯახუნა. „ვილაც  
მოდის“ — გაიფიქრა ილიჩმა და სამეღნე პირში გა-  
დაუძახა.

საკანში მართლაც შევიდა ციხის მოხელე. იგი  
დააცქერდა ლენინს, რომელსაც წინ სამედიცინო  
წიგნი ჰქონდა გადაშლილი.


- თქვენ მედიცინას სწავლობთ?
- დიახ.
- კარგია.

და კმაყოფილი მოხელე სხვა საკანისაკენ გაემარ-  
თა. ლენინმა კი მეორე სამეღნე ამოიღო, შიგ რძე  
ჩაასხა და სამედიცინო წიგნების სტრიქონებს შო-  
რის პარტიის პირველი ყრილობის პროექტის წინა-  
დადებები გააგრძელა.

ასე ხდებოდა საპატაროში ყოველდღე. ლენინი  
ძალიან ბევრს წერდა, უგზავნიდა წერილებს ამხანა-  
გებს, თან წერილებში ოხუნჯობით დასძენდა:

- „დღეს ექვსი სამეღნე შევჭამე“
- „დღეს რვა სამეღნე შევჭამე“.

1897 წლის 26 თებერვალს ლენინი გამოუშვეს  
საპატაროდან, მშრომელი ხალხის დიდმა ბელადმა  
ციხიდან რძით ნაწერი მეტად ძვირფასი წერილები  
გამოიტანა.





## ჰაერის ჩკადოვი

მან არ იცოდა შიში და ლეღვა,  
ბევრჯერ გაჰყვითა ღრუბლების ბაღე,  
გადაიქროლა წარბშეუხრილად  
გზა პოლუსიდან ამერიკამდე.

მან არ იცოდა შიში და ლეღვა,  
დასერა სივრცე ორბისფრთიანმა,  
მაგრამ ჩამოსწყდა ცას, როგორც ეღვა,  
და ხალხის გული შეაქღრიალა.

გლოვა რად უნდა, რად უნდა ცრემლი...  
ო, თვალებს ცრემლი არ გაეკაროს!  
ის არ მომკვდარა... სამშობლო ვრცელი  
კვლავ სიყვარულით ახსენებს ჩკალოვს.

ის არ მომკვდარა... უცნაურ ამბად  
ხალხს სიყვარული გადააქსოვა,  
საუკუნეებს ეყოფა განძად  
დიდი მფრინავის ნათელი ხსოვნა.

ის ხალხმა იცნო საყვარელ გმირად  
და ხალხის გულში მზესავით ბრწყინავს,  
მეტეორივით ცას მოწყვეტილმა  
კრემლის კედელში იპოვა ბინა.

გლოვა რად უნდა, რად უნდა ცრემლი...  
ო, თვალებს ცრემლი არ გაეკაროს!  
ის არ მომკვდარა... სამშობლო ვრცელი  
კვლავ სიყვარულით ახსენებს ჩკალოვს.

იოსებ ნონაშვილი



# უღუ ჰ თეთ



დილით ადრე გაეღვიძა ბას, მაშინვე გამოხტა, გადააგორა ლოდი და მღვიმიდან გარეთ გამოხტა.

მზეს უკვე ამოეყარა სხივები კონებად და თვითონაც ლალად და მხიარულად ამოდოდა ცის ტატნობზე.

ბამ ალტაცებით გაუწია ორივე ხელი მზეს, შეხტა და შესძახა ალტაცებით:

— ეჰე—ჰე—ჰეი, ამოდი, ამოდი, მნათობო!

ხმაურზე გამოხტნენ უღუ და თეთ, გამოვიდნენ ნენ და ბეც; ყველამ გაუწოდა ხელი მზეს, ყველა აჰყვა ბას ხმას და ფრინველების ყრიამულთან ერთად გაისმა მზის ქებათა-ქება. დიდხანს გადადიოდა მთავორებზე მათი მადლიერი სიმღერა. სიმღერასთან ერთად ცეკვავდა იმათი ფეხები, მათ სიმღერას ეხმაურებოდა ჩხერიჩხერას ქუხილი და შხეფების შხუილი.

— ეჰე—ჰე—ჰეი, ამოდი, მნათობო, შენ გულით ყველა,

შენ გვახარებ ყველას, ფრთოსანს და უფრთოს, წყალსა და მინდვრებს, მთებსა და ტყეებს; შემოდი, მნათობო, შემოდი ჩემ მღვიმეში, გაანათე და გაათბე ჩემი მღვიმე.

ოჰო, ჰო, მზეო, შემოდი, შემოდი ჩემ მღვიმეში. მე დაგვამ შენ შავი დათვის, დიდი დათვის

ტყავზე, მე მოგართმევ შენ ირმის, ლამაზი ირმის ტვინს, შენ გვერდით დაგვამ ნენს და ჩემ ვფილებს

ულუს და თეთს, შენს პირდაპირ დაგვადებით ჩვენ, მე და ბებერი ბე,

უხუცესი ჩემ მღვიმეში...  
ოჰ, რარიგ გვიყვარხარ, მზეო ნათელო!—

მღეროდნენ ცეკვით ყველანი და მათ ბრინჯაოსფერ ტანზე ცეკვავდა და ციმციმებდა ამომავალი მზის სხივები.

მზე ამოცურდა და გააბრწყინა ირგვლივ გორები, შეიხედა მღვიმეში, ჩაიხედა ქვევით ჩხერიჩხერას ხევში, შეანათა ტყეში...

გაჩერდა ბა, გაჩერდნენ ყველანი.

— აბა, ახლა გქამოთ,—დაიძახა ბამ და ერთ წუთში გამოიტანა მღვიმიდან ნანადირევი. ყველას

უჭრიდა ქვის დანით დიდრონ წითელ ნაჭრებს და იქავე, მღვიმის პირას, ქვებზე ჩამომსხდარნი გლეჯდნენ თეთრი კბილებით და მადიანად ხრამხარუშით ქამდნენ. ირმის თავი ფრთხილად გატეხა და ტვინი ბეს მიაართვა.

— მე?—თქვა ბემ,—ტვინს ყოველთვის პა ქამდა იქ.

— აქ შენ გეკუთვნის, ბე, აქ შენ ხარ უხუცესი.

ამ დროს გაისმა დიდი მუუს „მუუ“ და მღვიმიდან გამოეხმაურა პატარა მუუ. ძროხა დილით გათენებამდის მიდიოდა საბალახოდ და მზის ამოსვლისას მოდიოდა თავის პატარასთან.

თეთი წამოხტა, გამოიყვანა ხბო და შეუსვა ჯიქანში.

ხბოს ფეხი ურჩებოდა, უკვე დგებოდა, მაგრამ ჯერ სიარული კიდევ არ შეეძლო, გამალეებით წოვდა დედის რძეს თქაფათქუფრით, სიამოვნებით და კულის ქნევით. დედაც სიამოვნებით ლოკავდა და ალამაზებდა მის ჭრელ ზურგსა და კისერს.

რძე ისევ ისე ბებრი ჰქონდა ცურში და ისევ ისე მოწანწკარებდა თეთრად, როგორც უწინ. თეთი მადლარი იყო, მაგრამ მაინც მოწოვა გემრიელი რძე.

ჭამის შემდეგ ყველანი წავიდნენ წყაროზე წყლის დასალევად. მწკრივად მიდიოდნენ ბილიკზე. წინ ბა, შემდეგ ნენ, უღუ, თეთ და ბებერი ბე თავისი გრძელი ჯოხით.

როდესაც დაბრუნდნენ, ნენ მივიდა ძროხასთან და კარგახანს შესცქეროდა ხბოს ჭამას.

— ნენ, გინდა რძე? აბა სინჯე, ნენ, რა გემრიელია!

ნენ უცებ მიტრიალდა, აიღო ბეს გადაგდებული, ტვინამოჭმული ირმის თავის ქალა, და უთხრა თეთს:

— აი, თეთ, აქ ჩაასხი რძე.

თეთმა შეუშვირა ძვალი ჯიქანს და სავსე, თბილი, ქაფქაფა რძე მიაწოდა დედას. ნენმა დალია და გაიცინა.

— იცი, თეთ, ამით წყლის დალევაც შეიძლება. ამას ნუ გადავადგებთ.

— ოოჰ, ნენ, შენ მართალს ამბობ, შევინახოთ:

მღვიმეში შეშა გამოილია, და ბა, ულუ და თეთ  
წავიდნენ მოსატანად. ბლომად მოიტანეს ფიჩხი,  
ხმელი ჯირკვები და დააგროვეს მღვიმეში. ბემ მა-  
შინვე გააჩალა ცეცხლი და ნაკვერჩხლებზე დააწყ-  
ვეს ნანადირევის ხორცის ნაჭრები, თუთქავდნენ  
და ცხლად ჭამდნენ. ძვლებს იქავე ყრიდნენ და რო-  
დესაც ისე გაძინენ, რომ მეტი ჭამა აღარ შეეძლოთ,  
ისევ წავიდნენ წყაროზე, ისევ ისე მწკრივად, რიგ-  
რიგობით, ერთიმეორის შემდეგ. დალიეს და იქვე  
ჩირგვებში გავორდნენ და დაიძინეს. მხოლოდ  
ულუსა და თეთს არ ეძინებოდათ.

— ულუ, — უთხრა თეთმა ძმას, — წავიდეთ, მე  
ისეთ რამეს ვაჩვენებ...

— რას, თეთ?

— აი ჩვენი მთის იქითა ფერდობზე ხეზე არის.

— ხეზე არის? რა არის?

— არ ვიცი. ჩვენ ძველ მღვიმესთან არ იყო.

— ცოცხალია?

— არ ვიცი. არა მგონია. მე კარგახანს ვუყურე,  
არ ინძრევა.

— წავიდეთ.

და ორივენი ხელიხელჩაკიდებულნი გაიქცნენ.  
აირბინეს მღვიმის ზემოთ დავაკებაზე, იქედან გო-  
რაზე და გადაიხედეს მეორე მხარეს. ოჰ, რა დიდი  
ტყეები და მინდვრები გაშლილიყო ქვევით სულ შორს,  
შორს, და კიდევ იქით, უფრო შორს დიდ მინდორ-  
ში მიიკლაკნებოდა მზისფერი დიდი მდინარე.

— ოო, თეთ, — თქვა ულუმ და გაჩერდა აღტა-  
ცებული, — მე მიინდა იმ მზის მდინარესთან წავიდე.

— არა, ულუ, ჯერ აქ ჩავიბინოთ ძირს, ფერ-  
დობზე, იქ არის ხეზე, — და თეთ ეწეოდა ხელით ძმას,  
რომელსაც დიდხანს ვერ მოეშორებინა თვალი სა-  
ნახაობისათვის.

ორივენი გაიქცნენ, ჩაირბინეს ფერდობი და შე-  
ხედეს ხეს. ხეზე ასულიყო ველური ვენახი და ახლა  
შეყურსული იყო მწიფე, წითელი ყურძნით.

— ხილია, თქვა ულუმ. ერთ წუთს აირბინეს  
მათ ხეზე, ეცნენ, მოგლიჯეს მტევნები და ფრთხი-  
ლად ჩაიდევს პირში. მათ იცოდნენ, რომ ზოგი  
ხილი მწარე, მყავე და უგემური იყო, მაგრამ ეს  
ტკბილი და გემრიელი გამოდგა.

— რა კარგია! წავიდეთ, ბა, ნენ და ბე მოვიყ-  
ვანოთ.

— ჩვენ თვითონ წავუღოთ ბას, ნენსა და ბეს.  
მაგრამ როგორ წაეღოთ? მათ არ იცოდნენ და დი-  
დი ჯაფა და მოსაზრება დასჭირდათ, რომ შოლტის  
კავზე ჩამოეცვათ რამდენიმე მტევანი და წაეღოთ.

როდესაც მღვიმეში დაბრუნდნენ, უკვე სალამო  
იყო. ყველანი ისხდნენ და ისევ ნანადირევს შეეკ-  
ცოდნენ. ბავშვების მოტანილმა ხილმა ყველაზე  
სხვადასხვა შთაბეჭდილება მოახდინა. ბეს შეხედვაც  
არ უნდოდა. ნენ ეჭვის თვალთ უყურებდა, ბას  
გაეხარდა:

— ეს გემრიელი ხილია. მე მიჭამია. როდესაც

ხეები კვდებიან და თეთრი ცივი საბურველით  
რებიან, მაშინ ესეც კვდება და თეთრით  
სიამოვნებით ჭამა მან და ნენსაც და შემდეგ  
ბესაც შეაჭამა.

— მე თვითონ წავალ და მოვიტან, — თქვა მან  
და მეორე დღეს მართლაც წავიდა, ულუ და თე-  
თიც თან წაიყვანა. მოკრიფა ყურძენი, გაიხადა  
მგლის ტყავის სამოსი, თვითონ ტიტველი წამოვი-  
და და მგლის ტყავით ყურძენი წამოიღო.

ასე სიამოვნებით გაატარეს მათ რამდენიმე დღე  
და ბოლოს გაუთავდათ ნანადირევი. მთელი დღე  
გადაყრილ ძვლებს აგროვებდნენ და ხრავდნენ, ყურ-  
ძენიც მოიტანეს. ერთი ორი ყურძეჭეცა და ხაზუ-  
ნაც დაიჭირეს, ბემაც რალაც ძირები ამოთხარა,  
რძეც დალიეს, მაგრამ მანაც არ იყენენ მძღვრები  
და კმაყოფილი. სალამოს ბამ გადაწყვიტა სანადი-  
როდ წასვლა და უთხრა ულუს:

— ულუ, სანადიროდ უნდა წავიდე, ნენ არ მო-  
დის. შენ წამოდი, დაეხმარე ბას.

— ოო, ბა, რა მიხარია! — შეხტა ულუ და და-  
აქნია შოლტი.

— ჩვენ წავალთ დიდი მდინარის ქალებში: იქ  
დიდრონი ნადირია, ლამაზი ჭიხვინები, — თქვა ბამ  
სიცილით და მიუბრუნდა თეთს:

— შენ, თეთ, წამოხვალ?

თეთ იდგა და ხბოსაკენ იყურებოდა.

— შენ გინდა ჯერ პატარა მუ დაგვკლათ და  
შეგჭამოთ?

თეთ სწრაფად მოტრიალდა მამისაკენ.

— აბა, თუ შენ მუს დაკვლას მოინდომებ, მე  
წავიყვან პატარა მუს და მარტო ვიცხოვრებ ტყე-  
ში. დიდი მუც ჩვენთან წამოვა.

— არა, თეთ, არ წახვიდე ჩვენგან. იყოს მუ  
მღვიმეში. მე და ულუ მოვიტანთ ნანადირევს, ბევრ  
ნანადირევს.

მან გამოიტანა ქვის ცულები, გასინჯა, დაათვა-  
ლიერა, ამოარჩია საუკეთესო ორი, გაღესა, კიდევ  
უფრო მაგრად მოუჭირა ტარს თასმები და მოამზა-  
და. განთიადზე გააღვიძა ულუ. მათ თან ცულები და  
კეტები წაიღეს და გამალებით წავიდნენ. ავიდნენ  
მღვიმის ზემოთ დიდ გორაზე და დაეშენენ ძირს, შორს  
მინდორში, ოქროსფერ დიდ მდინარე ტკას ქალები-  
საკენ. ჩაუარეს ქოჩორა მთებს, გაიარეს შრიალა  
ტყე და გავიდნენ ტყის ნაპირას მწვანე მინდორში,  
სადაც ხმაურით მიივრავებოდა მდინარე ტკა. ამო-  
არჩიეს ტყის ნაპირას მყუდრო ადგილი და ჩაუსა-  
ფრდნენ ჭიხვინას.

\* \* \*

გათენდა თუ არა დილა, თეთ ადგა. ბა და ულუ  
უკვე წასულიყვნენ. ძროხა ნელა შედგა თავის პატა-  
რას, და თეთმა გამოუყვანა. თვითონაც გამოწოვა  
რძე და ნენსაც და ბესაც დააღვივნა ირმის თა-  
ვის ქალაში ჩამონადენი. ბეს უკვე გაეჩაღებინა ცეც-  
ხლი და იჯდა, ნენ კი ნელა დგებოდა. თეთმა შე-  
მოიყვანა ხბო, დააწვინა და უთხრა დედას:



— ნენ, მე წავალ, ყურცქვიტას დავიჭერ და მოვიტან.

და გაიქცა ყურცქვიტას დასაჭერად. ბევრი ირბინა მან აღმად აღმა ჯაგებში, ჩხერიჩხერის ნაპირებიც კი შემოირბინა და ორი ყურცქვიტა დაიჭირა. თეთ მხიარულად მორბოდა შინისაკენ, მხიარულად შეირბინა მან დატვირთულმა მღვიმეში და გაკვირვებული კი გაჩერდა: პაწაწინა ბავშვი იწვა ტყავზე და ტიროდა: „უა, უა“.

— თეთ, აი შენ პატარა ძმა.

თეთ შეხტა და ცეკვა დაიწყო:

— თეთს ჰყავს კიდევ ერთი ძმა.

პატარა ძმა, ლამაზი ძმა.

თეთს უყვარს პატარა ძმა. მღეროდა თეთ. მერე დაიხარა და მოუსვა ცხვირზე ცხვირი. და როდესაც ბემ გაატყავა ყურცქვიტა და დაანაყრა ყველა, ადგნენ და წავიდნენ წყლის დასალევად წყაროზე. ნენმა ბავშვიც თან წაიყვანა. თეთი ხტუნვა-ხტუნვით მირბოდა წინ, მაგრამ წყაროსთან დაიცადა, სანამ ბემ და ნენმა დალიეს.

უკვე ავი მხეცი ეძებს საქმელს და არ შემოგვივარდეს.

სადღაც სივრცეში გაისმა მგლის საშინელი ღილი და მას ბანი მისცა მეორე მხეცმა.


— მივავოროთ, ბე, მივავოროთ, — წარმოთქვა შეშინებულმა თეთმა და ლოდი მიავოროეს.

დაწვინენ, თეთს დიდხანს არ ეძინა. ხბო ნელნელა ეძახდა თავის დედას „მუუ“, ბე ხვრინავდა, ნენს თბილად ეძინა ცეცხლის პირას ტყავებში პატარასთან ერთად.

შორს სადღაც ისევ ისმოდა ავი მხეცის საზარელი ყმუილი.

\* \* \*

კარგახანს იყვნენ ჩასაფრებული ბა და ულუ, და ბოლოს გამოჩნდა სამი ჭიხვინა. უმცროსი წინ მორბოდა, მას მოჰყვებოდა უფროსი და ბოლოს ყველაზე დიდი, მსუტანი და ლამაზი, მზისფერი ჭიხვინა. ბამ მოიმარჯვა ცული და ეცა ფაფარში. ჭიხვინამ დაძაბა კისერი, გაიწია და გაიქცა. ბა თვალის დახამხამების უმაღლეს შეახტა მას ზურგზე, გადააჯდა და



ბა გადმოტყორცნა ჭიხვინამ.

— ახლა პატარა უნდა ვაბანაოთ, — თქვა დედამ და რამდენიმეჯერ ვაგვლო წყაროს ანკარა წყალში პატარა. შემდეგ შეახვია ტყავში, იქავე ჩაჯდა და ატყავს ძუძუ, და როდესაც ბავშვი დაწყნარდა, წამოიყვანა მღვიმეში.

მზე უკვე ჩავიდა. ბა და ულუ არ ჩანდნენ. მაგრამ საკვირველი ის იყო, რომ მუ არ მოვიდა. მუ მზის ჩასვლისას ყოველთვის მოდიოდა და დღეს დაბნელდა კიდევაც, ცა ვარსკვლავებით მოიჭედა, პატარა მუც ეძახდა მშვიერი, მაგრამ დიდი მუ არ ჩანდა და არა. დიდი ხანია მღვიმის კარებზე ლოდის მიგორების დრო იყო. მაგრამ თეთს კიდევ იმედი ჰქონდა, რომ მუ, თეთრი დიდი მუ ნელნელა ამოვიდოდა აღმართზე. ჯერ გამოჩნდებოდა რქები, მერე თავი, მერე ორი წინა ფეხი და შემდეგ მთლად ამოვიდოდა და დაუძახებდა თავის პატარას „მუუ“.

— უკვე ლოდის მიგორების დროა, — თქვა ბემ, —

დასტყვილა „ოპო, პო, პოო,“ და ჭიხვინა მიქროდა ქარივით ჭალაში, ისე სწრაფად, რომ ულუ ვეღარ არჩევდა ცხენის ზურგზე ბას, ულუ თვითონაც გამოუდგა, რაც ძალი და ღონე ჰქონდა, და უცებ დაინახა, რომ ცხენი შედგა ყალყზე და ცხენის თავს ზემოთ ქანაობდა ბას შეკრული თმის ქოჩორი. ბამ ასწია ცული და მოუქნია თავში დასარტყმელად, ულუ ერთ წუთს შეჩერდა აღტაცებული.

— ეჰ, ჰე, ჰე, ჰეი, ბა! — შესძახა ულუმ სიხარულით, დარწმუნებულმა, რომ ბამ გაიმარჯვა, მაგრამ რაღაც მოხდა საშინელი და მოულოდნელი: ბა გადმოტყორცნა ჭიხვინამ, მიაყარა უკანა წიხლები და... დატოვა ბა მიწაზე... თვითონ კი გაიქცა ჭიხვინით დიდი მდინარე ტყასაკენ.

როდესაც ულუმ მიირბინა, ბა უკვე უსულოდ ეგდო. სახე და გულის ფიცარი ჩამტვრეული ჰქონდა. არ იცოდა ულუმ, დაუბრუნდებოდა ბას საყვარე-

ლი სახე თუ ჭიხვინამ წაიღო თან სამუდამოდ ბას ვაჟაკობასთან ერთად მისი მხიარული სახე და გულის ფიცარი.

დიდხანს იჯდა ულუ მამის გვერდით. ცხენებმა ჭიხვინით გაურბინეს ახლოს და საიდანაც მოვიდნენ, იმავე ბილიკით შევიდნენ ტყეში. მაგრამ ულუს არც კი დაუნახავს ისინი. საშინელი სიჩუმე ჩამოვარდა, თითქოს ყველაფერი დაჩუმდა ირგვლივ. მას არ ესმოდა არც ტყის შრიალი, არც ტკას ჩქრიალი, რომელიც ხმაურით მიიგრავებოდა თავის ფართე ქალპოტში. თითქოს მზეც დაბნელდა და ველარ ამჩნევდა მისი სხივებით გაშუქებულ მინდვრებს.

ბა დუმდა.

ულუ არ იცოდა რამდენ ხანს იჯდა ასე.

— ბა! — დაუძახა მან ბოლოს, — ბა! შენ აქ უნდა დარჩე, ბა? მე მარტო უნდა წავიდე მღვიმეში, ბა? ოო, ბა, მამ მე გაგიკეთებ შენს სახლს, იყავი აქ, სანამ სახე და ვაჟაკობა არ დაგიბრუნდება.

და მან მოიტანა ხის შტოები, გვირა და ქვები, მიწა და სილა, ჯერ შემოუწყო ქვები, ზემოდან დაფარა გვირა და ფოთლიანი შტოები და დააყარა ქვები, სილა და მიწა. შემდეგ კიდევ დიდი ქვები დაუწყო ზემოდან, კიდევ მიწა დააყარა და დაათვალიერა ყოველის მხრიდან. ბას ადგილას ახლა ქვისა და მიწის გორაკი იყო. დაიღალა ულუ, ოფლი წურწურით ჩამოსდიოდა. გაჩერდა და ჩაჯდა ისევ უცებ სადღაც გაისმა ავი მხეცის საზარელი ყმუილი. ულუ შეკრთა, წამოხტა. უკვე ღამე იყო, ცა ვარსკვლავებით მოჭედილიყო და დიდი თეთრი მთვარე გამოჰკიდებოდა ცის კაბადონს. ტკაც ახლა მთვარისფრად ელავდა მის თეთრ შუქზე.

მხეცის ყმუილი გამეორდა. ულუ სრულიად გამოერკვა, ეცა მახლობელ ხეს, სწრაფად ავიდა ზედ. იჯდა ხეზე და უყურებდა, როგორ გამოვიდა ორი მგელი ძუნძულით, როგორ შემოურბინეს გარს მამის სახლს და შემდეგ გაჩერდნენ სწორედ იმ ხის ქვეშ, რომელზედაც ულუ იჯდა, მაგრამ ულუმ იცოდა, რომ ავი მხეცები ხეზე ვერ ავიდოდნენ და ვერაფერს დააკლებდნენ ვერც მას და ვერც ბას.

\* \*

დილით ისევ ბემ და თეთმა გადააგორეს ლოდი. მზე ისევ ისე ბრწყინვალედ და დიდებულად ამოდიოდა ქოჩორატყიანი მთის გადაღმიდან, მაგრამ დღეს არავინ არ მისალმებია მას მღვიმის წინ. არც ბა, არც ულუ, არც მუ არ მოვიდნენ გუშინ საღამოს და არც ამ დილით ჩანდნენ ჯერჯერობით. ხმო ნელნელა ჰამდა მწვანე ბალახს და აღარ ბლაოდა.

— მე წავალ, მუს მოვნახავ, — თქვა თეთმა და გავიდა, მაგრამ გავიდა თუ არა, მოისმა მისი ყვირილი. — ულუ მოდის, ულუ!

ნენ და ბე სწრაფად გამოვიდნენ გარეთ.

— ულუ, ბა? ბა სად არის? — დაუძახა ნენმა შორიდანვე.

მაგრამ ულუ მოდიოდა უხმოდ, აუჩქარებლად.

ყველანი მოუთმენლად ელოდნენ. ჩუმად ამოვიდა ულუ, ჩუმად დაადგო ცული მიწაზე.

— ულუ, ბა?

— ულუ, ნანადირევი?

— ბა არ არის. ნანადირევიც არ არის.

— სად არის? — შეშინდა ნენ.

— ჭიხვინამ წაართვა ვაჟაკობა, სახე, გული, სიმღერა... ბა არასოდეს აღარ მოვა...

— უუ-უუ-უუ! — დაიყვირა ნენმა და წაიშინა თავში ხელი, — უუ-უუ, ბა არასოდეს აღარ მოვა!

— ოოჰ! — დაიყვირა ბემ. იმანაც წაიშინა თავში ხელი, — ოოჰ, ვერასოდეს ველარ იხილავს მას ბებერი ბეს თვალები!

— როგორ? რას ამბობ? ჩემი ბა არ მოვა? რა თქვი? სტყუი! მივარდა მას თეთ აწეული ხელებით და ეცა მხრებში. მაგრამ უცებ შეჩერდა.

— ოოჰ, ულუ! შენ დიდი ხარ, მე ველარ გცემ... შენ...

ულუ მართლა იდგა, როგორც უკვე დიდი, გამოცდილი მონადირე, და უამბობდა მათ, როგორ გაემართნენ ბა და ის, როგორ გაიარეს შრიალა ტყე, როგორ ჩაუსაფრდნენ ჭიხვინებს, როგორ დაეწია ბა ერთ ჭიხვინას, უფრო დიდს, უფრო ლამაზს, როგორ ეცა მზისფერ ფაფარში... რა ლამაზი იყო ბა, რა ვაჟაკი... როგორ თრთოდა შეშინებული ჭიხვინა, როდესაც ბა შეახტა და იჯდა მის ზურგზე გამარჯვებული... მაგრამ ჭიხვინა ყალყზე შედგა. ბას შავი თმა ცეკვავდა ცხენის თავს ზემოდან და უცებ... თვითონ არ ვიცი როგორ... ბა გადმოვარდა.

— ოოჰ, მერე, როგორ ინადიროს უშენოდ ნენმა, ვაჟაკო!

— ვაი, ბებერმა ბემ რა ქნას უშენოდ!

— ოი, ულუ! რა არის ყალყზე შედგომა? მე არასოდეს არ მინახავს ჭიხვინა, მე მინდა ვნახო ბა, გამარჯვებული რომ იჯდა მზისფერ ჭიხვინას ზურგზე.



შესავალთან იდგა მაღალი, თმაგაბურძნული, შავ-წვერა კაცო.

— ოოჰ, მეც მინდა ვნახო.  
ოოჰ, მეც მინდა ვნახო!—იმეორებდნენ ბე და ნენ.

— ულუ დაჩუმდა... ჩაჯდა იქვე თავჩაღუნული, თვალეზამქრალი, მაგრამ ერთბაშად, თითქოს რაღაც მოაგონდაო, სწრაფად წამოხტა, თვალეზმა გაუღვეს.

— მე ვაჩვენებთ თქვენ ბას, ვაჟაკს ჭიხვინას ზურგზე...—თქვა ულუმ, მოტრიალდა და გაიქცა მღვიმისაკენ.

ყველანი გაჰყენენ მას. ულუმ მიიბრინა თავის კუთხეში და კარგახანს ეძებდა თავის შენახულ ბეჭის ძვლებში საუკეთესოს. ბოლოს გამოიტანა ერთი, არ მოეწონა და გადააგდო. ფიჩხის ცეცხლი ანათებდა მთლად მღვიმეს, თეთრი ქვის კედლები იყო გლუვი და ნათელი, ჯერ კიდევ გაუჭვარტლავი. ულუმ შეხედა, გაიცინა, მივიდა კედელთან და...

არავის არ ახსოვს, რამდენ ხანს ხატავდა ულუ. ყველანი ჩუმად, უსიტყვიოდ მისჩერებოდნენ ხმაამოუღებლად.

კედელზე გამოისახა ყალყზე შემდგარი ვეებერ თელა ცხენი და მის ზურგზე გამარჯვებული ბა, ხელში ცულმოღერებული. მისი მგლის ტყავის სამოსი კუდი გავაზე სცემდა ცხენს.

ულუმ მიიბრინა და დადგა დედასთან და მხოლოდ ახლა შეამჩნია პატარა, რომელიც დედის კალთაში იწვა, და გაკვირვებულმა დაუწყაო ცქერა.

— ჰო, ბა! ჩემო ბა! — შეჰკივლა თვთმა და გადახტა ნახატისაკენ. ნენმა ასწია ბაეშვი, მიიყვანა ნახატთან, დაანახვა მას.

— ბა, ვაჟაკო, ვერასოდეს ვერ ნახავ შენს პატარა ბეჭს... ბა, ვაჟაკო, ვერასოდეს ველარ წამოვა შენი ნენ შენთან სანადიროდ!

— ვაჰი, ბა, ბეჭერი ბე ვერასოდეს ვერ ნახავს შენს სახეს, ვერ გაიგონებს შენს ხმას!

ყველანი იდგნენ ნახატის წინ და მოთქმით ქანაობდნენ ერთმანეთის გვერდით.

თეთი დაიხარა და მოუსვა ცხვირი ბას ფეხს და უცებ გაისმა მისი კივილი:

— ჰოჰ!

ყველამ გაიხედა მღვიმის შესავლისაკენ, საითაც იყურებოდა თეთი. შესავალში იდგა მალალი, თმაგაბურძენული შავწვერა კაცი ცულით ხელში და თვალეზს აბრიალებდა.

— ჰოჰ!

— ჰოჰ!

— ჰოჰ!

გაისმა ერთხმად ყველას თავზარდაცემული შეძახება და ყველანი გაქვავებულნი გაჩერდნენ ერთ ადგილას.

— ჰოჰ, ჰოჰ, ჰოჰ! მოვიდა ჰოჰ! აჰა, სად ყოფილხართ! მოვიდა ჰოჰ და აღარ წავა აქედან!

— ყვირილით შემოვარდა შიგნით გაბურძენული კაცი და მივარდა ნენს, რომელიც პირქვე დაემხო და გადაეფარა პატარას.

— ჰოჰ ვაჩვენებს შენ სეირს! — მან ჩაჰკიდა ხე-



ულუ და თეთ მალლა სერზე ბუჩქს ამოვარებოდნენ და უცხრებდნენ, როგორ გამოიყვანა ხბო...

ლი თმებში ნენს და წამოზიდა. — თქვენ ასე კარგად მოწყობილხართ აქ და მე კი არ წამომიყვანა იმ... ოჰ, მე მარტო იმის მეშინოდა...

უცებ მოიხედა და ნახატი კი დაინახა კედელზე შეშინდა, აცახცახდა და პირქვე დაეარდა მიწაზე, მაგრამ სწრაფად გამოიხედა ჩუმად და წამოხტა.

— ჰოჰ, ხედავ, მოსულა. აკი მოკლა ის ჭიხვი ნამ... ჰოჰ! მე მას ვაჩვენებ, მე მას მეორეჯერ მოვკლავ... მე მას მეორედ წავართმევ ვაჟაკობას! — და მოიმარჯვა ხელში ცული, გადახტა ნახატისაკენ...

— არ მოჰკლა, ჰოჰ!

— არ მოჰკლა, ჰოჰ! — გაისმა ყველას ყვირილი.

მაგრამ ჰოჰმა მოიმარჯვა ხელში ცული და ის იყო უნდა დაეკრა ბასთვის სახეში, რომ თეთი შეძახტა, ეცა ხელში კბილებით და უკბინა. ჰოჰს ცული გაუვარდა ხელიდან, მაგრამ არ დაიბნა, მეორე ხელი ჩაჰკიდა თეთს თმაში და ის იყო უნდა დაენარცხებინა დედამიწაზე, რომ დაიშხივლა ჰაერში ულუს შოლტმა და მოხვდა ჰოჰს სახეში. გამწარებულმა ჰოჰმა ორივე ხელი იტაცა სახეში, ულუ და თეთ კი გავარდნენ გარეთ.

— ჰობ, აი ამას მოვკლავ! — დასჭყივლა მან და გადახტა ნენისაკენ, მაგრამ ბე გადაელობა წინიდან.


— ჰობ ვერ გაბედავს ამას!

ჰობ ერთ-წუთს შეჩერდა.

— ჰობ ბებერსაც მოჰკლავს!

— ჰობ ვერ გაბედავს ბებრის მოკვლას, ბებერი უხუცესია ამ მღვიმეში.

— ჰობ, უხუცესიც ზე ვარ აქ და ყველა და ყველაფერი ჩემია! იქით! — დაიყვირა მან და გაქანდა ნენისაკენ.



ულუ და თეთ ადგნენ და ნელნელა წავიდნენ.

ნენმა იღროვა, დასვა ბავშვი ტყავზე, წამოაფლო ჰობის ცულის ხელი, გადაირბინა მეორე მხარეს და მოიმარჯვა ხელში ცული.

— ვუა, უა! — გაისმა ბავშვის ტირილი.

— ჰობ, ეს ვილა არის? ჰობ, ამას კი მოვერევი!

(გაგრძელება იქნება)

— მან დაავლო ხელი ბავშვს და ასწია, რომ დაენარცხებინა დედამიწაზე.

— ჰობ, არ მოჰკლა, — დაიყვირა ნენმა, გაავლო ცული და მივარდა ბავშვს: ჰობმა მისცა ბავშვი და აიღო ცული.

— ჰობ, აჰა, გყავდეს, მხოლოდ იმ ავ სულგებს, გოკოსა და ბიქს, მოვკლავ. მამის მაგიერ იმათ ხორცს დავგლეჯ კბილებით, იმათ სისხლს დავლეგ... მე ვიპოვი იმათ! ჰობ, სად მიდიხარ! — დასჭყივლა მან და ისევ ჩაავლო ხელები პატარას, რომელიც ნენს მიჰყავდა და მიდიოდა მღვიმიდან გარეთ. — შენ და ბებერი დარჩით აქ, თორემ ახლავე მოვკლავ შენ პატარას. ჰობ, აქ ყველაფერი ჩემია, ჩემი ნებაა. მე მიყვარს მღვიმეში ცეცხლი, შენ არ გააქრობ ცეცხლს.

ნენ დარჩა მღვიმეში.

— ჰობ, მე მშია. დააყარეთ ფიჩხი ცეცხლზე.

— არაფერი არ გვაქვს, — თქვა ბემ და დააყარა ფიჩხი.

— ჰობ, ეს ხბო... — დასჭყივლა მან, სტაცა ხბოს ხელი და გაათრია გარეთ.

ულუ და ნენ მალა სერზე ბუჩქს ამოფარებოდნენ და უყურებდნენ, როგორ გამოიყვანა ხბო, წაადგებინა თავი ქვის ცულით, როგორ მივარდა მის კისერს, დალია თბილი სისხლი, მერე სწრაფად გაატყავა და შეიტანა მღვიმეში.

— ჰობ, ჰობ, — იძახდა ის — აბა, ჭამეთ, ჭამეთ თქვენც, ჰობ, არა უშავს, ხვალ ნანადირეის მოვიტან... ჰობ, ჰობ, მე ისინი უნდა ვიპოვო. ის გოგო და ბიჭი... თქვენ არავინ გაბედოთ აქედან წასვლა, აქ ყველა და ყველაფერი ჩემია. მე მიყვარს მღვიმეში ცეცხლი... ჰობ, ჰობ, რატომ არ ჭამთ, ჭამეთ...

დიღხანს იყვნენ ბუჩქის ძირას მიკუნჭული ულუ და თეთ.

— რა გქნათ? — თქვა თეთმა.

— მოვკლათ!

— ვინ, ჰობ? ჩვენ?

— მაშ წავიდეთ აქედან, თორემ ის თვითონ მოგვკლავს ჩვენ.

ულუ და ნენ ადგნენ და ნელნელა წავიდნენ. სად? თვითონაც არ იცოდნენ.



# სხილდაშურები

დათოვლილ ტყეში არ ისმის ჩქამი,  
ფიფქები დაგვხვდნენ მძიმე თათებით,  
უფრო გაზრდილან უმთვარო ღამით  
თეთრნაბდინი გოლიათები!  
გზა აღარა ჩანს, ჩვენვე დავსერავთ,  
მოდით, რიგრიგად დავეშვათ თავქვე,  
ბრჭყვილა ფარჩას რომ დავშლით  
ცერად,  
გამოგვაციოლებს წამოშლილ ნამქერს...

იკოტრიალენ?  
ვაგბერტყავთ, მოდი,  
თორემ ლოლუებს დაგყინავს ხელად,  
გუშინ სიცივეს ვემაღებოდით,  
დღეს საცურაოდ ვეძახით ყველას!  
რა ჟრიამული ავტეხეთ ტყეში,  
დაწმენდილ ჰაერს ხარბადა ვსუნთქავთ,  
თითქოს დავლიეთ  
ფოთლების პეშვით  
მთის ნაკადული ცივი და სუფთა.



## ზ ა მ თ ა რ ი

ბარდნის, ბარდნის და ფიფქები ფრთებგადაშლილ პეპლებს ჰგვანან,  
ძირს ბუჩქები წყნარად სხედან, ხეები კი ფეხზე დგანან.  
ქალაქს, მთელი ღამის ნათევს, არ ჰსურს თოვლთან რომ იცინოს,  
უნდა თვალი მოატყუოს, ცოტა ხანი მიიძინოს.

\*

ჯერ აღრეა. ყინავს, ცივა, მზე ოქროს თმებს დაბლა ხრის და  
მზესაც სცივა და თოვლიან მთას ეკვრება ზურგის მხრიდან.  
თვალეებს ახელს, ხუჭავს, ნაბავს და ამოდის ნებანება,  
მზის წითელი ფართო ზოლი წყნეთს სარტყელად ეფინება.

\*

ცოტა ქვევით მთის თეთრ კალთას, თავს რომ იქებს თითქმის ცაძდე  
დღეს სტუმრები მოუვიდნენ, ალბათ, ასე ორმოცამდე.  
სრიალბენ, თხილამურებს ხან მალლა და ხან კი ქვევით  
აქროლებენ ფაფუკ თოვლზე სიხარულის ცეცხლის ფრქვევით.

\*

და წუთის წინ ჩუმი, მუნჯი, იღიმება ახლა მხარე,  
ქვევით წყალი ხევს აწყდება სიხარულით მოხარხარე.  
უცინიან პიონერებს, სიზარმაცეს ყველა ტოვებს,  
ალბათ, მუხაც თუ ვარჯიშობს, ძირს რომ ზნიქავს გაშლილ რტოებს.

\*

ბავშვებს უყვართ ზამთრის სპორტი, თოვლს ელიან სიხარულით,  
გუნდის სროლა, ციგაობა, ფაფუკ თოვლზე სიარული,  
ფიფქის კერა ხელის გულით, თოვლის მზეზე ბზინვა, ელვა,  
და უფრო კი თხილამურით ზამთრის ქურქის გადაქელვა.

• ქეთო მღვიმელი

# პატარა რიეგო

1.

ის გაგიჟებულივით შეიჭრა ოთახში და დაემხო დედის სულმობრძავ სხეულს, რომელსაც მკერდიდან ამოსჩქეფდა ცხელი სისხლი.

— დედა!! დედიკო! — გაისმა სასოწარკვეთილი ხმა, და უკანასკნელად ჩაეკონა გასისხლიანებულ ძუძუებში, რომელთა შორისაც მრავალი ნეტარი წუთი განეცადა. დედა კიდეც ატრიალებდა თვალებს, მაგრამ ერთი სანუგეშო სიტყვის თქმაც აღარ შეეძლო. ის შეიყვანეს ჯალათმა ფაშისტებმა. ოთახში დასაკითხად და რომ ვერაფერი ცნობა ვერ მიიღეს მისგან, გაბრაზებულებმა გაემირეს ტყვიით და წავილნენ.

— დედა! დედიკო! — უკანასკნელად ჩაეკრა ბავშვი დედის უსიცოცხლო სხეულს და აქვითინდა. — რატომ მეც შენთან ერთად არ მომკლეს იმ ჯალათებმა... მაგრამ არა, არა! — წამოვარდა გიჟივით ზეზე და ეცა კარებს.

— მე წავალ მამასთან! მოვნახავ მამიკოს! მოვეყვები ყველაფერს, და ის გადაუხდის ჯალათებს სამაგიეროს! მშვიდობით, დედიკო! მშვიდობით! — და გამოვარდა გარეთ, გადაკეტა კარი და გაქრა ქუჩაში...

2.

მირბის პატარა. ირგვლივ კაკანებენ ტყვიამფრქვევები, გრივლებენ ცაში ფოლადის ფრინველები, რომლებიც ცეცხლის ბურთებით უმასპინძლებიან ქვეშეთს.

— ტრახ... ტრახ... ბუჰ... ბუჰ... — გრივლებენ ქვეშეხები, თითქოს მოძახილს ეუბნებიან ტყვი-



მფრქვევებს და ამთავრებენ მათ დაწყებულ მეჯლისს. რიეგომ შეისვენა. დაუკვირდა, რომ გზა არ არეოდა, გაერჩია თავისიანები მტრისაგან და შემდეგ ისევ განაგრძო გზა სირბილით.

— მშვიდობით, დედა! მე მამას ვნახავ! — წამოიძახა რიეგომ და ისევ გაკურცხლა.

— „ვივა“, „ვივა“. — იძახიან რესპუბლიკელები.

— ტრახ... ტრახ, — მოისმის უკანასკნელი გაბრძოლება ფაშისტებისა, მაგრამ რესპუბლიკელებს მათი ცეცხლი, მათი უკანასკნელი ხელის გაქნევა ვიღარ აზინებს და ერთად მოიწევენ წინ. ორ ცეცხლს შუა კი პატარა მიძვრება; მას თითქოს მისჩვევიან ტყვიები, ისე უფლიან გვერდს; რამდენმა ტყვიამ გაიწივლა მის ყურთან, რამდენმა შემოფლეთილი ტანსაცმელი გაუხვრიტა, ერთმა ქუდშიც კი გაუარა, მაგრამ უვნებლად მიიწევეს წინ.

შემოტრიალდა და გადახედა ქალაქს, სადაც დამტვრეული სახლების მეტი აღარაფერი მოჩანდა. ფაშისტი ოფიცრები დანგრეულ ქუჩაში ვისაც კი ნახავდნენ, გამოსადეგი მიჰყავდათ, მხოლოდ უფარგისებს და წინააღმდეგობის გამწვევთ ხვრეტდნენ. გადაავლო თვალი უკან დარჩენილ ადგილებს და გაკურცხლა; მირბის მოფარებით, ხან დაწოლილი, ხან ზეზე... მას ყოველ წუთში ელანდება მამა, საყვარელი მამიკო, ჰაერს ხარბად სუნთქავს დაქანცული და გარბის.

ვერც კი შეამჩნა, თუ რამდენი გამოიარა, ცოტა კიდეც შეისვენა კედელს ამოფარებულმა. ტყვიის აღარ ეშინია, გარშემო კლდის ლოდები ფარავს; შეისვენა, ბოლოს შემოტრიალდა და ისევ გაქცევა დააპირა, მაგრამ ვილაცამ შეაჩერა.

— შესდექ, პატარავ! საით მირბიხარ!?

შეკრთა, როგორც მთის ლალი შველი მონადირის შეხვედრისას, გადახტა გვერდზე და მოაგონდა მოკლული დედა. აცახცახდა იმ შიშით, რომ დაიჭერენ ფაშისტები, ვერასოდეს ვეღარ ნახავს საყვარელ მამას, ვერ უამბობს ამბავს, და მოინდომა გაქცევა, მაგრამ მებრძოლის დაკოჟრებული ხელები მაგრად მოედო კისერზე და შეაჩერა.

— საით მირბიხარ, პატარავ!?

— მე მამას ვეძებ, ტერუელიდან გამოვიქეცი, დედა მომიკლეს და ეხლა მამა უნდა ვნახო.

— სად არის მამაშენი!?

— რა ჰქვია მამაშენს!?

— მანგანდ ამბოუ.

— მანგანდ ამბოუ!?

— აი ყოჩაღ, ბიჭიკო! წამოდი ჩქარა, მე გიჩვენებ მამაშენს! ოხ, პატარა რიეგო, რამდენჯერმე უთქვამს მამაშენს შენზე, ის ძველ რიეგოს ჰგავსო. შენც მამისთანა ვაყვაცო ყოფილხარ, თორემ აქამდე რამ მოგიყვანა, — ჩაჰკიდა მკლავში თავისი დაკო-

ერლი ხელი და გაიტაცა. სერი გადაირბინეს, და მებრძოლი შეჩერდა.

—ახლა გაიქეც, ბიჭიკო, ხალხს ხომ ხედავ, მათთან მიდი და იქ იპოვი მამაშენს. მე არ მცალია, აქ ვდგავარ საგუშავგოზე.

რიეგო გაიქცა აღფრთოვანებული, რომ მიზანს აღწევდა, სიტყვას აასრულებდა და მოკლული დედის სისხლს აიღებდა.

რიეგო რამდენადაც უახლოვდებოდა ჯგუფს, იმდენად თითქოს უფრო ესმოდა ნაცნობი ხმა. გული უცემდა, უცემდა იმ იმედით, რომ მამასთან მიაღწევდა და ადვილად გადაუხდიდა სისხლისმსმელ ფაშისტებს სამაგიეროს.

—მამა, მამიკო! — მოასწრო დაძახება და ჩაიკეცა. გზაზე მას დალაღვა არ უგრძენია, მაგრამ ერთბაშად მოწყდა მუხლებში. მებრძოლები შემოტრიალდნენ.

—ჩემო ბიჭუნავ, ჩემო შვილო! — ძლიერი ხმით დაფარა არემარე ერთმა ახოვანმა შევხუჭუჭთმიანმა კაცმა, რომელიც დაჭრილი ვეფხივით გადახტა ბავშვისაკენ და ჩაიხუტა გულში...

3.

რიეგომ მამის მკლავებზე გამოახილა თვალი და წამოიძახა:

—მამა... მამიკო! დედა, დედა მოჰკლეს იმ ავაზაკებმა, მე შენთან წამოვედი, რომ სამაგიერო გადავუხალო იმ ძაღლებს... — უკანასკნელი სიტყვები ველარ დაასრულა და ტირილი დაიწყო.

—ჩემო ვაჟკაცო, ჩემო ბიჭუნავ, ამას მე დიდი ხანია ველოდი. აღარც შენ მეგონე ცოცხალი, მაგრამ აწი უფრო გაასკეცებით ვიომებ, რადგან ჩემი შვილი ასეთი ვაჟკაცია, მე გადავუხდი იმ ძაღლებს შენი დედის სისხლს, მე შევებმეები თუნდაც მართოდმართო, იმ იმედით, რომ მათი ჭაჭანება აღარ დარჩება ჩვენი რესპუბლიკის მიწაწყალზე. მე თუ მოგვედები, იმედი მაქვს ჩემი შვილი და მის გვერდში მდგომი რესპუბლიკური მილიონი ახალგაზრდობა შეეწირება ამ წმინდა საქმეს და იომებს გამარჯვებულან გამარჯვებამდე.

რიეგომ მამას ცრემლი შენიშნა, ცხარე ცრემლი. მაგრამ მამამ ცრემლი ჩქარა მოიწმინდა.

4.

განთავისუფლებულ ქალაქში რიეგო მამასთან ხელჩაკიდებული მიიჩქაროდა იმ პატარა ლამაზი სახლისაკენ, რომელშიაც დატოვა დედის გაციებული გვამი. მიდიოდნენ იმ პატარა სახლისაკენ, რომელსაც თითქოს მზის ჩამოსაბნელებლად გვერდით ედგა მრავალსართულიანი სახლი, რომელიც მართლაც მზის შუქს არ უშვებდა მათ აივანზე, მაგრამ მაინც ბედნიერად ატარებდა მასში დღეებს პატარა რიეგო.



აი, მიაღწიეს კიდეც, მაგრამ სადღა არის შენობა, სადღა არის ის პატარა კერა, რომელშიაც პირველად აძგერდა მისი პატარა გული, მას ვეებერთელა სახლის კედელი დასცემია და მიწასთან გაუსწორებია... ვეებერთელა ლოდთა გროვა დამდგარა მათი სახლის ადგილას...

შეჩერდნენ... ისე მაგრად ჩაეჭიდათ ერთმანეთისათვის ხელები, თითქოს ერთმანეთს შეჭხორებოდნენ, რომ ერთად განეცადათ ეს საერთო უბედურება. დიდხანს, დიდხანს დუმდნენ ისე, თითქოს ორივენი გაქვავებულიყვნენ, და ბოლოს ისეთი ხმით დაარღვია ვაჟკაცმა მყუდროება, რომ მეხის გრგვინვა ეგონებოდა კაცს.

—შენ შენი სიკვდილით იხსენ, ჩემო ძვირფასო, სიკვდილისაგან ჩვენი ბიჭუნა, და ფიცს ვდებ შენი გასრესილი, ნაწამები სხეულის წინაშე, რომ მეც ჩემი სიკვდილით დავიხსნი მთელი ესპანეთის ახალგაზრდობას, ჩემი სიკვდილით დავიხსნი მთელ ესპანეთს! წამოდი, შვილო! შენ უმწეო ხარ ჯერ აქ! უბრალოდ გაისრისები სადმე! გაჰყე იმ ახალ ჯგუფს, რომელიც მიისწრაფის ახალი მხარისაკენ, რათა თავი დააღწიო ამ ჯალათებს. მე კი ფიცს ვდებ იმ ძვირფასი ადამიანის გვამის წინაშე, რომლის სიკვდილმაც გადაგარჩინა შენ ამ ლოდებში გასრესას, რომ მანამ ვიბრძოლებ, სანამ მტერს არ გავსრესო. თუ მეც დავეცი ბრძოლის ველზე, შემოიჭერ შენს სამშობლოში და ჩემ მაგიერ ააფრიალე თავისუფლების წითელი დროშა. წადი, შვილო, წადი! ტირილით ვერ ვუშველით საქმეს. მშვიდობით, ძვირფასო, წამებულო ადამიანო! იქნებ დიდი მოვალეობის შესასრულებლად გადაარჩინე შენი სიკვდილით ერთადერთი საყვარელი პირმშო შვილი!

—მშვიდობით, დედა! — დაიძახა პატარა რიეგომაც და მოსწყდნენ ადგილს...

დომინიკი ტატიშვილი

# შოი მოვიხილო

ახლაც თვალწინ მიდგას მშვენიერი ფაქიზი და საყვარელი მოხუცის სახე. ეს იყო ბავშვების გულის მესაიდუმლე შოი მღვიმელი როგორც ეძახოდნენ, ძია შოი.

დაბალი კაცი იყო შოი. მოხუცებულობის დროს ძალიან წელა დაიარებოდა. ათასი ნაცნობი და მეგობარი ხვდებოდა მას ქუჩაში. სალამის გარეშე ძია შოის, აბა, ვინ გაუშვებდა? მისალმების დროს მას ქულის მოხდა ჩვეულებად ჰქონდა, ამიტომ ყავარჯენი მუდამ მარცხენა ხელში ებყრა, მარჯვენა ხელით კი წარამარა ქუდს იხდიდა. მოხუცებულობას მკლავშიაც ძალია წაერთმია შოისათვის, ამიტომ რამდენიმე წუთს უნდებოდა ქუდამდის ხელის მიტანას, ხშირად ქუდის ერთი მოხდით ორი-სამი კაციც გაუსტუმრებია.

პირველად შოი მღვიმელი ქუჩაში მიმავალი დამანახვეს. ოდნავ გახუხუხებული პალტო ეკვია, მიდიოდა თავისი საყვარელი ყავარჯენით. მაშინ უნივერსიტეტში ახალი შესული ვიყავი, ეს იყო 1927 წლის შემოდგომის მიწურულში. რამდენი რამ ვიცოდი მის შესახებ, მაგრამ პირადად კი არასოდეს არ შენახა. ქუჩაში მიმავალი რომ დავინახე, გავოცდი; ერთი შეხედვითვე ჩანდა, რომ იგი გახაფხულის კრელი პეპელასავით უწყინარი იქნებოდა. თითქოს ახლაც ვხედავ, რა წელა ამოვიდა იგი თავისი სახელობის ქუჩიდან და გაჰყვა წყნეთის (ახლანდელი მელიქიშვილის) ქუჩას რუსთაველის პროსპექტისაკენ. ეს საყვარელი პოეტი პირადად 1933 წელს გაეიცანი, როცა ჟურნალ „პიონერი“ მდივანად დავიწყე მუშაობა. რედაქციაში შოი პირველხანად იშვიათად შემოდიოდა. ერთხელაც იყო მოვიდა. საბავშვო ჟურნალების ამ უძველესი თანამშრომლის შემოსვლამ ყოველგვარი სიხარული გავიიწვია ჩვენში. გამოვესაუბრეთ, მერე ლექსი ვთხოვეთ ჩვენი ჟურნალისათვის. გაეხარა: „დავწერ, მაგრამ რის შესახებ? რომელი ნომრისათვის?“

არ ვიცოდი, ისე უცებ რა თემა დამესახებებინა, მაშინ 1933 წლის სექტემბერი იყო და ოქტომბრის ნომერს ვამზადებდით. მერცხალზე დავვიწერეთ, მიემართე მე. გაეცინა. რა თავისებური და მიმზიდველი იყო მაშინ და საერთოდ ყოველთვის მისი სიცილი! ისეთი სიცილი ჯერ სხვისათვის არ შემიმჩნევია. ნახად ილიმებოდა იმდენი ტუჩები ულვაშებსა და მოკლედ შეკრტილ წვერში. თვალები სავსებით დახუჭული ჰქონდა, აღარც კი იხედებოდა. სიცილის დროს ყოველთვის ასე იცოდა ხოლმე თვალების დახუჭვა. სიცილს რომ მორჩა, მერე კვლავ დიმილით მიპასუხა:

— ჰო, ჰო, რამდენი ლექსი მაქვს დაწერილი

მერცხალზე. არ ვიცი, ახლა რაღა დავწერო წრევანდელ მერცხალზე.

არ მქონდა იმედი, თუ იგი მართლა მოიტანდა ლექსს. მერე დღესვე მოვიდა, მოგვესალმა და ახლოს ჩამოჯდა მაგიდასთან. არაფერი უთქვამს. მერე ისევ მე მოვაგონე: რა კარგი იქნებოდა, ლექსი რომ მოგეტახათ-მეთქი. კვლავ თავისებურად გაიცინა:

— დავწერე, მაგრამ არ ვიცი, მოგეწონებათ თუ არა.

გულჯიბიდან ამოიღო რვეულის ქაღალდზე ფანქრით დაწერილი ლექსი „მერცხლები“. წავიკითხე. მე აღფრთოვანებით წამოვიძახე: უჰ, რა მშვენიერია, რა კარგიათქო.

შოის კიდევ ახალი ლექსი შევუკვეთე. მინდოდა ყოველ ნომერში დასტამბულიყო მისი ლექსები. მაგრამ ბოლო ხანებში რაღაც სისუსტეს უჩიოდა და თანხმობის მაგიერ ასე იტყოდა ხოლმე: თუ შეგეკელი, დავწერო. გავიღოდა რამდენიმე დღე — და ახალი ლექსი მაინც მოჰქონდა. როცა შოი მღვიმელი კარგად დამიხალგოდა, მერე შინაურ საკითხებზეც მელაპარაკებოდა. ერთხელ მშვენიერი სათუთუნე ამოიღო და მითხრა:

— ეს სათუთუნე ჩემს სალამოზე ბათუმში მომიძღვნეს ბავშვებმა.

იგი ლაპარაკობდა ამ სიტყვებს და სიყვარულით უცქეროდა იმ ძვირფას სათუთუნეს.

ჩვენი სურვილი იყო შოი მღვიმელი ყოველ ნომერში ყოფილიყო წარმოდგენილი. ამას კიდევ მივახსენეთ. დაწერა ისეთი მშვენიერი ლექსები, როგორცაა: „მინდვრის დაპყრელებს“, „მერცხლები“, „ზამთარი“ და სხვ.

მართალია, შოი მოხუცი მწერალი იყო, მაგრამ ჩვენი დროის ბავშვების სურვილები და განცდები მაინც ნაცნობი იყო მისთვის, ვინაიდან იგი მუდამ ამ ბავშვებთან ტრიალებდა. ამის საუცხოო მაგალითია მისი მრავალი ლექსი და აგრეთვე სულ უკანასკნელად დაწერილი: „პატარა იხეხერები“, რომელიც 1933 წლის დეკემბერში მოიტანა ჩვენთან და გარდაცვალების შემდეგ გამოქვეყნდა ჟურნალ „პიონერში“ (№1, 1934 წ.). ასევე სისტემატურად იბეჭდებოდა ჟურ. „ოქტომბრულში“.

ბევრი ბავშვი იცნობდა მღვიმელს პირადად, ბევრისათვის ლექსებიც აქვს მიძღვნილი. ამიტომ იყო, როცა შოი გარდაიცვალა, ბავშვები ძია შოის კარგი მშობელივით სტიროდნენ. ზამთრის სუსხიანი დღე იყო შოის რომ მივასვენებდით, მაგრამ პროცესიას მაინც დიდძალი ბავშვი მიჰყვებოდა ლამაზი ყვავილებით მორთული გვირგვინებით. დიდუბის პანთეონამდის არცერთი ბავშვი არ გამოჰკლებია პროცესიას.



# ახალი წელი



ყველას სიამით ევსება გული,  
ყველა ღვინით და ზეიმით ელის,  
ოცდათვრამეტი არის წარსული,  
დღეს კი გვიღიმის ახალი წელი.

ჩვენი ნაძვის ხის კენწეროებზე  
ხუთქიმიანი ვარსკვლავი ელავს,  
ყველას ღმირი უთრთის სახეზე,  
მზიარულია დღეს ყველა, ყველა.

ერთი შეხედვით, ნაძვის ხე ჩვენი,—  
თა საოცნებო რა ლამაზია,  
კეკლუცს ბრჭყვიალა მძივები ჰშვენის,  
და მისი მხერა თვალწარმტაცია.

ვერ წარმოიდგენთ, ის თუ ნაძვია,  
მასზე ჰკიდია კუ, სპილო, ცხენი...  
კეკლუცს ბრჭყვიალა კაბა იცვია,  
ლამაზი არის სტალინის ძღვენი.

გაზო თაბუკაშვილი

თბილისი, მე-14 სკოლის მე 4 კლასის მოსწავლე.



აგვისრულდა კიდეც ნატვრა,  
თვალი გვქონდა ცივისკენა...  
და ზამთარმა თეთრი თეჭა  
შეიბერა ყა ჩვენს სალხენად.

დილით, როცა არემარე  
ტანთ იცვამდა ვერცხლის ქათიბს,  
გალმა გორაკს მივაშურეთ  
ცივითა და ფინიათი.

სიხარულით შევეუდექით  
თოვლით მოსილ სოფლის შუკებს,

სპეტაკ სერს კი მოჰფენოდა  
ყმაწვილეს ჯარი უკვე.

შევუერთდით, მათ სიხარულს  
შევუმატეთ ძალა თანაც,  
ჰე, ვინ იტყვის, თუ ზამთარმა  
რა სიამე მოგვიტანა.

ვიცივავეთ ყმაწვილებმა,  
ვივუნდავეთ კიდეც ერთხანს...  
გვიხაროდა, რომ ზამთარმა  
თეჭა ჩვენთვის შეიბერტყა.

პიონერი მურმან ლეზანიძე



ა. ებრალიძის რედაქციით

„ბოლონელი მოქალაქე“



კლინგი და პორკიტი

XIII საუკუნის ლათინური ხელნაწერიდან

1851 წელი

ვარიანტი № 1.

ვარიანტი № 2.



თეთრები იწყებენ და იგებენ

თეთრები: მე d8; ეა8, ც5 (3)

შავები: მე d6; ეი1; (2)

თეთრები იწყებენ და იგებენ

თეთრები: მე e2; ეა1; მდ8; ჰდ2; ფ2 (5)

შავები: მე d4; ლდ5; ჰც7 (3).

## ჭადრაკის ეტიუდის შესახებ

ჭადრაკის ეტიუდი ეწოდება მოჭადრაკის მიერ შედგენილ ისეთ პოზიციას, სადაც არ არის განსაზღვრული სვლათა რიცხვი, და გადამწყვეტის მიზანს უნდა შეადგენდეს მოცემული პირობის თანახმად არსებული მოგების ან ყაიმის პოვნა.

ყოველი შედგენილი პოზიცია არ შეიძლება ჩაითვალოს ეტიუდად. წესიერად შედგენილი ეტიუდი უნდა აკმაყოფილებდეს შემდეგ პირობებს.

1) აუცილებელია რაიმე საინტერესო იდეის არსებობა. (ფიგურათა შეწირვა, ფატი, ორმაგი დარტყმა, ცუცკვანგი, დაბმა, შამათი და სხვ.)

2) ეტიუდი უნდა იყოს შედგენილი მეტად ეკონომიურად, ე.ი. უმოკმელო ფიგურები არ უნდა

არსებობდეს; ისევე, როგორც ხელოვნების სხვა დარგებშიაც, აქაც სასურველია მცირე ძალებით მეტი შინაარსის გამოხატვა.

3) ეტიუდი მით უფრო მაღალხარისხოვნად ითვლება, რამდენადაც მეტ ბრძოლას აქვს ადგილი, სხვანაირად რომ ვთქვათ, სუსტ მხარეს უნდა ჰქონდეს გარკვეული წინააღმდეგობის გაწევის საშუალება.

4) ეტიუდი არ უნდა იყოს მეტად მოკლე და ადვილად გადასაწყვეტი.

5) ეტიუდის გადაწყვეტა უნდა იყოს მხოლოდ ერთადერთი.

ხემოთ მოყვანილი ეტიუდები წარმოადგენენ



საქადრაკო ხელოვნების უადრეს ნიმუშებს და ამიტომ ისინი მარტივი და შედარებით ადვილი გადასაწყვეტია.

№ 1 ეტიუდში ლამაზი შეწირვის საშუალებით იცვლება ეტლები, რის შემდეგ პარტია თეთრებისათვის ადვილად მოსაგები ხდება.

№ 2 ეტიუდი გადმოსცემს ეტლისა და მხედრის ლაზიერის წინააღმდეგ საინტერესო ბრძოლას. საბოლოოდ თეთრები აღწევენ მდგომარეობას: ძეფე და პაიკი, მეფის წინააღმდეგ ადვილად მოსაგები პოზიციით.

\* \*

ჩვენი ჟურნალის პიონერ მკითხველთ ვთხოვთ

დ. კახიანი

# თევზ - ეკალა

ზღვებსა და მდინარეებში მკვირცხლად დატურავენ ერთგვარი პატარა თევზები, რომელნიც თავიანთი ახირებული ბუნებით და ყოფა-ცხოვრებით საერთო ყურადღებას იპყრობენ. ისინი გარეგნობით ჩვეულებრივი თევზებისაგან მხოლოდ ზურგისა და მუცლის მიდამოებში ამოწვდილი ექვსი წვეტოვანი ეკლით განირჩევიან, რის გამო თევზ-ეკალა ეწოდათ.

ეს ეკლები მათ დიდ სამსახურს უწევს. თევზ-ეკალებს საშირლად სძაგთ ერთმანეთი, მთელ დროს ურთიერთ შორის დაუდგროკელ სამკვდრო საცხოვრო ბრძოლებში ატარებენ. ისინი კბენენ და ეკლიანი წვეტებით ჭრიან ერთმანეთს, დასასრულ, გაბოროტებულ ორამტრიალში ერთერთი გარბის, ან ულმობლად იღუპება მასზე ძლიერი მეტოქისაგან.

მამალ თევზებს საკვირველი ჩვეულება აქვთ, ისინი წყალში შენობაზავენ ხოლმე გარკვეულ ფართობს და ამ არეს საკუთარ სამფლობელოდ აცხადებენ. ვაი მას, ვინც დაკარგავს გონს და მია საბრძანებელში შეიჭრება. დაუპატიჟებელი სტუმარი უმაღვე ისჯება ეკლის ჩხვლეტითა და კბენით.

თევზ-ეკალა საოცრად ავი, გაუტანელი, უშიშარი და თავხედი არსებაა. მისთვის სულერთია, ვინც არ უნდა იყოს მისი მეტოქე. იგი მდგრად ხდება მოწინააღმდეგეს და ომს უცხადებს. თვით საკმაოდ დიდი თევზი ქარიყლაპია არ-

აქტიური მონაწილეობა მიიღონ ქადრაკის განყოფილების შემდგომ განვითარების საქმეში.

მოგვაწოდეთ მასალები პიონერთა ტურნირების, მატჩებისა და სხვა საქადრაკო შეხვედრების შესახებ.


გამოგზავნეთ თქვენს მიერ შედგენილი ეტიუდები, ამოცანები და გათამაშებული პარტიები.

ჩვენი ჟურნალის შემდგომ ნომრიდან ჩვენ მოვითავსებთ პიონერთა მიერ მოწოდებულ შერჩეულ მასალებს და აგრეთვე ზემოთ მოყვანილ ეტიუდთა სწორად გადამწყვეტ პიონერთა გვარებსაც.

ჩვეს გვერდი აუაროს მოჩხუბარ თევზ-ეკალას. მისი ეკლის ბევრს ეშინია. მხოლოდ გოჯა და ვირთვეზა არ უკრთიან თევზ-ეკალას. ისინი მათ ნთქავენ და ნისი ეკლისაგან სრულიად უვნებლად გრძობენ თავს.

თევზ-ეკალეები უცნაური წესით მრავლდებიან. ისინი წყალმცენარეზე, ქვიშაზე და სხვ. ქათმის კვრცხის ოდენა ბუდეს იშენებენ. ასაშენებელ მასალას ბეჯითად ეზიდებიან სხვადასხვა მხრიდან და მისგან იშვიათი ხუროთმოძღვრული გემოვნებით აგებენ ჩინებულ სადგომს. ბუდეს შესავალსა და გასავალს უკეთებენ.

დედა-თევზი ქვირითს ბუდეში ყრის. მამალი თევზი ვალად იღებს დაიცვას ბუდე გარეშე მტერთა შესაძლებელი თავდასხმისაგან. ათ დღეში იჩეკებიან ციციქნა თევზუჩები, რომელნიც მშობლების მხრივ დიდ ზრუნვასა და ხაგანგებო მეთვალყურეობას საჭიროებენ. განსაკუთრებულ სიყვარულს შვილებისადმი მამალი თევზები იჩენენ. ისინი ფხიზლად ადევნებენ თვალყურს ცელქად მოფუსფუსე პატარებს, ენერგიულად შევლიან საკვების მოპოებაში. რაწამს ანცი ციციქნები მონიშნულ საზღვარს დაარღვევენ



და სახიფათო მინართულებით ვატოპავენ. მამა მათ მყისვე ფაქიზად იჭერს პირით და უკან აბრუნებს. მშობლები მათ მანამდის ეკლებიან თავს და მზრუნველობენ, ვიდრე უკანასკნელები სავსებით არ მომწიფდებიან დამოუკიდებელი ცხოვრებისათვის.






ლ ა ბ ი რ ი ნ 6 8 0

მხოლოდ ერთმა კიანჭველამ მოახერხა ლაბორატორიის ცენტრამდე მიღწევა ჩხირების გადაუღახვად.  
როგორ მიიღწიონ დანარჩენებმა?



გ ა მ ო მ ა ნ ა

ერთმა მებაღემ საბავშვო სანატორიუმის წინ ყვავილნარი გააშენა. მან 16 ხრიზანტემა 12 პირდაპირ მწკრივად დარგა, ისე, როგორც ნაჩვენებია ნახატზე.



როდესაც სტუმარი ბავშვები ამ ყვავილნარს ათვალიერებდნენ, მათ ყურადღება მიაქციეს მებაღის მიერ ოსტატურად დარგულ ხრიზანტემებს.

—აქ არაფერია საკვირველი,—სთქვა ერთ-ერთმა სტუმართაგანმა. იგივე 16 ხრიზანტემა მე შემოძლია დაერგო არა 12 მწკრივად, არამედ 15 მწკრივადაც, ამავე დროს თითოეულ მწკრივში იქნება ხრიზანტემების იგივე რაოდენობა.

როგორ დარგავდა ის ხრიზანტემებს? (მოგვწერეთ პასუხი).

ფანქრის ერთი მოსმით

ფანქრის ერთი მოსმით შეიძლება დაიხაზოს ბევრი მეტად ლამაზი ფიგურა. სცადეთ დახაზოთ აქ ნაჩვენები ფიგურა, ისე რომ ფანქარი არ მოაშოროთ ქაღალდს და ხრ გაატაროთ ერთდობლივ ხაზზე ორიჯერ.

